

摛藻堂四庫全書薈要

集部

欽定四庫全書會要

集部

御選元詩卷五十三

詳校官原任主事臣李斯咏

欽定四庫全書

御選元詩卷五十三

集部

御選元詩卷五十三

七言律詩十二

錙漁

張楂翁自鳳陽還錢唐賦此以寄

一別於今已五年
關河風雨夢相牽
羨君老有驚人術
愧我貧無使鬼錢
淮雁南來斜作字
楚江東下直如弦
子雲罷獻長楊賦
頭白歸來草太玄

秋晚溪行懷張孔叔

松下涼風吹客衣隔溪煙樹晚依依山空不見孤雲返落日惟看倦鳥歸世上黃金交態薄酒邊白髮故人稀別來陡覺成疎闊况復蕭蕭落葉飛

送王廷桂還姑蘇

紫馬嬌嘶踏軟沙闊闊城裏客還家雨添秋水灣灣碧風趁江雲片片斜惜別緩斟紅麴酒傷心况對白蘋花雁驚暮角高飛去先帶離聲過館娃

劉玉汝

九江逢故人

九江江水抱城迴
洶湧回濤亦壯哉
雨散淮漬隨地足
雲移廬阜向天開
曳裾鄒子長為客
待詔公孫已擢魁
邂逅他鄉急呼酒
樓頭今日早秋來

黃璋

懷青城先生

虞郎落落不羈客
端如野鶴混雞群
興來甫里一杯酒

與歸匡廬九疊雲遺史尚求丞相事從孫能輯翰林文
杜陵秀句多家法春樹初生每憶君

王原傑

震澤鎮

村市蕭條數十家扁舟夜泊傍蘆花江空歲晚歸心
切水遠山長去路賒帶水野田鳴落雁連雲煙樹繞昏
鴉勞生徒負燈窓志只合西園學種瓜

劉倩玉

中秋對月

十年對月干戈裏忍向尊前更浩歌光滿又逢新節序
影微難驗舊山河霓裳猶記開元曲桂籍空懷進士科
矯首廣寒宮闕近欲將消息問嫦娥

盛景年

和汪以敬

白髮將軍少健強經旬寂寞卧空床涉江問病出城早
下馬入門聞藥香深院雨晴蒼蘚合小樓人散綠陰涼

家書不到看春暮昨夜新裁白苧裳

朱斌

題秀野軒

昔年曾作軒中客今日重題秀野詩四檻彩雲晴縹渺
遠牆蒼雪曉參差雨餘山氣侵茶鼎風過林香落酒卮
念我松楸渾咫尺倚闌長是不勝思

元愷

德風亭詩

亭下雙旌拂綠莎
花邊五馬繫鳴珂
挽回天籟秋聲早
浸澈雲階月色多
公退不妨同坐嘯
吏閑猶可共吟哦
阜財解愠南風操
時逐絲桐入浩歌

危臺高壓古城闉
門外青山畫不真
好客每懸徐孺榻
涴人常避庾公塵
槐陰澹澹晨光薄
蘋末蕭蕭秋意新
聞道康衢和靄氣
夜來鼓舞及堯民

地控漳東最上遊
簷牙高啄白雲秋
文窓耀日晴如拭
翼瓦翔煙曉欲流
雅集衣冠儀楚楚
遙臨軒旆影悠悠

階前盈尺容相借收拾新詩入筆頭

月砌雲階背曲廊蘭房桂樟面黃堂簾櫳壓地全無暑
几席凌空剩有涼畫戟凝香鈴索靜玉虬吐水漏聲長
文章太守時閑適笑共賓僚酬一觴

四面山拋碧玉環當中亭子勢孱顏九天闔闔登臨外
五代封疆指顧間白鳥平蕪晴野闊蒼煙喬木夕陽閒
客來不盡興亡恨吟袖飄風月下還

陳善

奉和東維提學先生春日同閻帥韓侯太守王
公宴集草元閣席上孩字韻高作聊以塞責錄
呈同坐諸公發一笑云

解竹參差手自裁春明吹上望仙臺水流石澗桃花路
日湧天門海色開笠澤每移茶竈出鑑湖還棹酒船來
綺窓午醉醒來晚枕損黃金壓被孩

馬弓

陳檜

古木凌空百尺過根盤如石鐵為柯濃陰不礙金蓮座
虛籟猶傳玉樹謌倦客解衣頻徙倚老禪卓錫定摩挲
雲門寺裏梁朝柏身上苔痕想更多

沙可學

詠懷

獨上高城望遠郊雁飛黃葉下蕭蕭天旋西極餘殘照
江湧狂波作暮潮塵世百年雙鬢改鄉闕萬里一身遙
何由從獵灤河曲霜冷弓強鐵馬驕

黃公望

題關仝層巒秋靄圖

并序

關仝此卷雖祖洪谷子而間以王摩詰筆法融液
秀潤正其中歲精進之作也人謂有出藍之美詎
不信夫

群峯矗矗暮雲連蘿磴逶迤鳥道懸落葉深深門半掩
疎花歷歷客猶眠巖端飛瀑為青雨江上歸舟滌碧煙
應識箇中奇絕處昔年洪谷屬君傳

郭忠恕仙山樓觀圖

漢主離宮最上頭
昔年曾侍翠華遊
青天半落銀河水
白日高懸華岳秋
花隱儀鑾臨閣道
仗移簫鳳下瀛洲
三山更在齊州外
遙望蒼煙九點浮

吳鎮

陸探微貞嶠仙遊

梅閣重重翠繞遮
時時雲氣颭平沙
千峰樹色藏朝雨
百道江聲送晚霞
洞古數留仙子蹟
溪迴深護羽人家

遨遊每憶無塵地咫尺仍堪閱歲華

張僧繇霜林雲岫

六朝畫史知無幾吳下僧繇獨擅場百疊蒼巒浮障起
千林紺葉入雲長低回野渡鐘聲遠寂寞荒村樹影涼
咫尺披圖更蕭瑟短詞何敢遂揄揚

盧鴻仙山臺榭

塵蹤何得此中遊無數青山遶殿頭爐篆浮烟朝靄靄
溪雲連樹晚油油花香曲徑群鹿聚芸芷平田獨鶴遊

欲識仙家真樂處一泓清瀨四山秋

黃荃蜀江秋淨圖

暮煙漠漠一江秋疎樹依稀見遠舟風度鐘聲來古寺
人隨雁影過前洲雲銷碧落天無際波撼蒼山地欲浮
應識箇中清絕處成都畫史筆端收

李咸熙秋嵐凝翠

雨過秋光映翠微巖雲一抹澹荆扉千山寂寂疎鐘杳
萬壑蕭蕭落木稀澗水奔飛行路濕松篁回合野禽歸

征帆點點滄江上應羨山人種蕨薇

叔明松壑秋雲圖

萬壑瀠洄磴道長崇岡交互轉蒼蒼疎松過雨虛闌靜
古木回風曲岸涼村舍幾家門半啓漁梁何處水流香
扁舟凝望雲千頃不覺西林下夕陽

方方壺畫

城市山林孰是非幽居能與世塵違函關紫氣青牛到
遼海秋風白鶴歸天鼓叩殘明月墮洞簫吹徹彩雲飛

誰知寂寞江天外長使人間望少微

數載飄蓬事已非荆關咫尺世情違寒雲時向青山抹
野艇遙從白社歸幾處夕陽人共語一村流水鶩邊飛
知君紫府歸來後閒把丹青翫翠微

黃鎮成

春日東行

青郊冉冉散晴暉芳樹頻聞一鳥啼山驛水流花落盡
石田雲暖麥抽齊禪房鑿路當巖半釣屋維舟近竹西

行過野橋人語近尋源應到武陵谿

題秋江把釣圖

獨載輕舠過碧川一綸牽動楚江天蘆邊有月還吹笛
柳外無風不繫船留火夜然湘岸竹得魚朝送酒家錢
十年湖海真如畫亦欲狂歌一扣舷

遊麻姑山用蔣師文韻

紫霧龍鸞月裏遊白銀宮殿海中洲麻姑宴罷壇猶在
葛令丹成井獨留滴雨浮嵐空翠晚飛花散玉瀑簾秋

誰能共食金光草來住仙家十二樓

晚晴書事

白鶴樓西晚雨涼欲晴山氣遠蒼蒼鴉銜落日歸平楚
雁背殘霞上越陽溪崦築茅堪理釣畬田收禾好休糧
秋風有約巢雲去却擬狂歌學楚狂

平楚越陽郡城二臺名

臨川青雲亭

平野荒荒雉堞低一峰欄檻與雲齊斗牛三尺龍光照
城郭千年鶴爪題白雨來時江水北青山盡處夕陽西

古來亦有憑高客樹影蒼涼繞大堤

題定武蘭亭

蘭紙香隨玉匣遺寶書天上世難知狼烽幾墮毘明劫
蟬翼猶傳定武碑曉雨苔花侵擣石秋山柿葉費臨池
東都已往誰能繼神物終煩謹護持

鼓山靈源洞

有劣前天風海濤亭喝水巖

劣前峰頭萬丈梯上方高與白雲齊青山盡處海門闊
紅日上來天宇低喝水無人空宴坐磨崖有客謾留題

飄然欲御長風去一笑何煩過虎谿

舟過大茅洋

張海渾茫茫寄一桴候神東去接方壺帆隨雪浪高還下
島浸冰天有若無雁影斜翻西日遠潮聲直上晚雲孤
投綸擬學任公子掣取封鱸餌萬夫

錢塘

雨過高風發屋聲吳中暑退即寒生晴光入眼園林薄
夜氣侵人枕簟輕寺鐸呼風宵自語鄰機織月曉猶鳴

江湖處處悲秋客起東歸夜不待明

贈葉山人

仙巖溪上葉山人手佩青囊太古文北極地從林邑下
南條山到蜀江分尋源屢識蛟龍宅探穴長隨虎豹群
更約秋風清霽日與君高躅萬重雲

用鷺峰師韻送澗泉上人遊方十首

天台

天台山上綵虹橋山下桃花帶露飄仙客雲霞迷舊路

化人宮殿現層霄穿林夜氣香為蓋冠嶺晨光錦作標
若到上方應駐錫遙聞法鼓動春潮

雁蕩

雁山鐘磬半空聞雪嶺霞城此地分金塔影浮滄海月
寶臺光繞梵天雲禪機已熟能傳印世網難嬰易解紛
更上孤峰看瀑布願將餘瀝湔妖氛

補陀

潮音海洞石盤陀送子東遊奈別何日上扶桑天不遠

雲連析木地無多水王獻寶開丹穴星使通槎泛白波
見說蓬萊清淺處便從鵬翼起秋河

衡岳

身隨衡岳片雲來南極朱陵洞府開八桂山川臨鳥道
九疑風雨濕龍堆使華今日嚴珪幣祖印何年剪草萊
直到無生參學畢逢人遮莫說輪迴

廬山

廬阜山陽幾勝遊竭來重為虎溪留千尋瀑布雲霞冷

九派江流日月浮白鹿盤盤高洞曉黃花采采故園秋
東南更有名藍在莫道諸方訊已周

五臺

去禮文殊寶刹開倚空巒岫鬱崔嵬金函奉旨傳香至
白幢圖形載法來心鏡象懸天外月教筵獅吼地中雷
還將拂子閒拈起更上繙經第一臺

鍾山

一上鍾山萬慮消虛空樓閣翠嵒金陵鬱鬱帝王宅

天塹悠悠南北朝月滿石城秋似水風高淮浦夜生潮
未應便作乘蘆去且聽仙人碧玉簫

靈隱

路入西山窈復深法筵應有聖僧臨兩峰塔影天垂蓋
千佛靈光地布金牛笛儻逢圓澤語龍宮還見閻仙吟
空中更上藏雲洞水樂泠泠奏八音

峨眉

峨眉樓閣現虛空玉宇高寒上界同茶鼎夜烹千古雪

花幡晨動九天風雲連太白開中夏日繞重元宅大雄
師去想無登陟遠祇應飛錫驗神通

五山

浮杯東渡海門潮鶩嶺元關路匪遙十載江湖曾慣歷
五山風月自相招呼猿洞口行雙澗放鶴亭邊入斷橋
直到妙高峰上望雲華天雨滿煙霄

送憲幕陳時中分題得平章河

海國相傳利澤功滄溟縹渺百蠻通潮來估客船歸市

月上人家水浸空析木星辰三島外
榑桑宮殿五雲東河梁此日重攜手目送靈槎萬里風

陳柏

和王參政崔徽寫真韻

芳時無語惜年華綵筆何心賦落霞鏡裏自憐人似玉天涯不隔貌如花雙瞳蘸綠橫秋水高結堆春蟬碧鴉猶勝無金買延壽黑山空使夢還家

錦濟實克

題徐良夫畊漁軒

卷五十三

白日帶經壠上鋤夜間放棹澤中漁有米即周鄰舍急
得魚遠寄故人書山川雨露桑麻地風月圖書水竹居
出處不慙徐孺子文章能敵馬相如

李存

送倪東江之上元縣主簿

沙頭煙際挹征襟嚼盡梅花出短吟鄉黨又成千里別
功名聊盡百年心東南形勢風流遠吳晉山河蒼莽深

此去吟邊有高邁客尊應與爾同斟

吳景奎

寄題天台楊道士素軒

梨雲漠漠護幽扃晏坐冥觀內景清風露洗秋生灑白
雪霜驚曉眩空明瓊樓奏樂霓裳冷緝嶺吹笙鶴羽輕
窓戶玲瓏人寂寂碧桃花下步虛聲

登台州巾山

岑崔雙峰著此身危巔夜半見朝暾天低古塔參雲闕

江送寒潮落海門
恰幘風高仙已去
翠微僧老鶴長存
下觀城郭紅塵隘
水色山光自吐吞

桐灘月夜舟中聞琵琶

湛湛長江上有楓
予懷渺渺水雲空
未誇溢浦逢商婦
勝喜桐灘有釣翁
欹枕醉眠秋渚月
亂帆爭趁夜潮風
曉寒難結思歸夢
一尺秋霜壓短篷

奉送江省都事納克烏裕除湖廣

蟾府秋花滿袖香
盱眙遺愛在甘棠
紫微幕下除書至

黃鶴磯頭驛騎忙風靜瘴雲消嶺海雨新春水滿瀟湘
庾公明月蘇公柳兩地高情屬省郎

夢仙

紫鸞邀夢到仙家結佩相逢萼綠華翠勺細傾千日酒
蜺旗斜插五雲車飛瓊鬢影含清霧弄玉簫聲隔彩霞
杜宇無情驚覺後月痕猶在碧桃花

晚露

雨晴秋氣轉蒼涼萬籟依稀奏羽商煙抹林腰橫束素

日迴山額半塗黃鷓鴣曬翅眠池草翡翠銜魚立野航
霜蟹正肥新酒熟破橙宜趁菊花香

和韻春日

雨香雲澹燕泥融珂馬如行罨畫中江上數峰浮暖翠
日邊繁杏倚春紅鶯花世界惟消酒水榭簾櫳易受風
陌上行人皆倒載未須拍手笑山公

遊絲舞蝶共徘徊野鳥空濛拂面來風雨一時成晚霽
園林何處不花開江橫羅帶銀鷗起雲想衣裳玉女裁

賸喜麻姑能送酒只愁門外索空罍

春思

飛燕腰肢掌上輕塵生羅襪步盈盈鑰魚不寐春無賴
箏雁頻移曲未成斂黛低鬟初破睡嚼花艱蕊獨含情
許身肯作王孫女頭白哀吟對馬卿

舟次丹陽

舟次丹陽成陸走驅車長坂復經丘青山東去連京口
紅日西沈向石頭客路最嫌雞戒曉鄉心生怕雁橫秋

明朝定宿烏衣巷斗酒還澆遊旅愁

自山中歸鑑湖別業

數椽茅舍清江曲六月炎天困鬱蒸賴有青山圍故宅
歸來赤腳踏層冰石泉松籟為琴筑野簌山肴薦豆登
明日迴頭望丘壑芙蓉半出白雲層

次韻答錢思復并簡呂彥夫

相逢動是經年別笑指沙鷗聚舊盟芳草只添遊子恨
清風還有故人情薇花亭館春容老木葉林塘晚氣清

杜宇數聲愁不奈朝來白髮鏡中生

寒食

白雪飄飄鬢影斜
風光流轉任年華
杯行不惜斟藍尾
春事如今到
棟花車馬羽毛分
戰士園林鐘鼓是誰家
側身北望空迴首
愁絕吾生未有涯

夜宿葉孟咨書樓

小樓蕭爽俯平川
市井收聲暮景懸
雲影消沈山外雨
月華浮動水中天
船舷暝戛層簷底
更漏時傳客枕邊

溪友幾番留我宿清談終夕不成眠

席上即事

華筵秩秩宴清宵拊掌歌呼飲興饒罵坐灌夫元不屈
絕纓楚客去難招綠珠嬌小仍吹笛碧玉殷勤且合簫
待得月斜人散後一杯花露酒初消

陳方

送蔡霞外

不見道人今四載疎狂猶似舊時多自言曾到神仙宅

公亦須吟離別歌。澗草陰陰披紫蘿。山花細細落青蘿。
只愁骨相無清氣。赤水元珠奈爾何。

胡天游

贈余公圖畫樓

高人有眼看山川。不費從來買畫錢。萬古丹青垂宇宙。
百川樓觀倚風煙。人行槲葉林邊路。鳥沒蘆花影裏天。
我欲與公添一筆。寒灘蓑笠釣魚船。

牡丹花

相逢盡道看花歸慙愧尋芳獨後時北海已傾新釀酒
東風猶鑠半開枝埽空紅紫真無敵看到雲仍未可知
但願倚闌人不老為公長賦謫仙詩

憶孟兄季弟

兄弟相看各一方別來俱各鬢成霜江山十里猶比屋
風雨幾番能對牀海燕年深常作客塞鴻天遠不成行
擎杯莫負黃花酒來看南塘萬竹長

諷黃蘭谷

雨花風絮兩飄飄興味都非舊寂寥白足懶穿雲外履
翠睂低按月中簫重拈曉鏡添新髮旋試春衫減舊腰
金鎖玉函千載恨爭如雲雨自朝朝

陳植

次友仁泊舟虎丘獨步

西丘雨送落花村決決溪塘水漲渾樓閣日斜唯影立
轆轤泉滴尚聲喧無言蒼石空橫道傲世青山不出門
獨往忽驚春已去題詩猶記刻舟痕

張師曾

汪叔達歸鄱陽

攜書宛句識英翹
幾度思親望斗杓
歲晚客懷澆鑿落
雪晴歸路踏瓊瑤
驛馬自是輕千里
鴻鵠終當在九霄
此去明年相見日
筆端定挽浙江潮

張知言

和吳閒閒送張元谷羽士

得道長生學賀元
跫然空谷足音傳
六龍朝罷香盈袖

獨鶴歸來月滿天葉玩山中仙子篆書裁紀上老人編
玉章秀句吳門贈好刻琅玕紀歲年

哈尚寶克

題趙彥徵畫赤驥一匹

松雪當年稱獨步子孫今日繼遺風香凝淡墨連錢碧
色染秋毫汗血紅濟濟奚官顏似玉昂昂龍種氣如虹
春風滿轡初牽出對立長鳴冀北空

何景福

鼓角樓

警昏戒曉復司更矢棘翬飛結構成角韻喚醒晨過客
鼓聲催動夜巡兵龍吟一奏霜飛瓦鼃吼三通月滿城
自是太平無暴客金壺漏箭要分明

感興

世途無處不間關老我星星兩鬢斑江水送潮歸綠渚
谷風吹雨過黃山千金敝袴誰能買百石強弓每自彎
何事無心雲一片等閒飛去又飛還

童堯夫招飲回途偶成

東君容我出郊行過却清明日日晴怕損落花移屐緩
恐妨啼鳥策筇輕春風入髓紅顏暈世事縈心白髮生
花下小車如共載綠陰深處聽啼鶯

孫華孫

鳳山懷古

宋家事業如漢晉遺史班班今尚存南渡衣冠元帝紀
中山廟社靖王孫海門龍去秋潮橫宮樹烏啼夕燐繁

已恨無人似諸葛
生憎何物學桓溫

項炯

次韻鄧祭酒贈極元無師

塵尾天花灑石扉
莫教五色掩摩尼
峰頭笑縱金衣鶴
竹裏閒尋玉版師
言論每懷龍井夜
扶攜渾似虎溪時
芝雲更擬分蒲榻
黃葉滿山題近詩

潘純

送顧仲父赴廣東市舶提舉

合浦明珠久不還使君風采動群蠻
鮫人把臂來城裏
荔子堆紅出坐間江映蕉花鸚鵡綠雨昏榕樹鷓鴣斑
昔年駿馬經行處父老那知得重攀

吳克恭

元璞過江郊言歸賦七言一首通問

玉山長夏草堂幽老愛從君十日留醉語歡呼亂不記
歸來爛漫憶相求風迴柳線搖歌扇月出荷花映綵舟
可念江湖搔白首還將衰朽問湯休

劉埂

題章東孟山水

盧家公子稱三絕詩妙書精畫亦工落筆多宗董北苑
高情不減米南宮天低碧樹春雲合潮滿滄洲暮雨空
却憶買船同載酒城南山下醉東風

葉頰

題董泰初長江偉觀圖

金焦兩寺出中流北固樓高江上頭畫舫春風過采石

瓊花明月照揚州鳳皇飛處青山近龍馬來時紫氣浮
千古登臨興未已有人吹笛起沙鷗

徐舫

白雁

出塞風沙不涴衣要分秋色占鷗磯遠書玉宇傳霜信
斜落銀箏映冷暉楚澤雲昏無片影湘江月黑見孤飛
當年繫帛還蘇武漢節仍全皓首歸

閻仙洞

天龍古洞幾年時
時雨流酥潤石衣
流水桃花春不老
亂山雲樹翠相依
碧雞叫月神魂杳
白鶴凌空仙駄飛
昨日大風環佩響
洞賓何處朗吟歸

桐君山

仙馭乘鸞去不停
青山依舊抱荒城
風香藥草春雲暖
露冷桐花夜月明
縣近故廬堪認姓
鶴歸華表自呼名
千年往事俱塵土
時聽樵林吹笛聲

曉上桐君宿霧收
嵐光蒼翠恣夷猶
丹爐秘訣歸仙子

清景吟懷屬士流七里灘橫孤棹影立山鐘響五更頭
古來瀟灑稱名郡莫把繁華數汴洲

月色

誤蹋瑤階一片霜侵鞶不濕映衣涼照來雲母屏無迹
穿入水晶簾有光雪影半窓能共白梅花千樹只多香
故人疑似見顏面殘夜分明在屋梁

張小山捐俸重修桐君祠

先生遠有煙霞趣鐫玉捐金隱者祠瑤草久荒雲一片

碧桐仍見鳳雙枝芙蓉日靜文書暇杖履春來嘯咏遲
他日幽期何處好寒松花發鶴歸時

清冷山

萬仞寒容尺度量巍然亘古獨蒼蒼三秋風露松梢月
九夏林泉石上霜埜徑晴煙籠樹白危峯暮靄接天黃
我遊乘興吟魂爽浪欲騎鵬謁帝鄉

郝天鳳

題董泰初江偉觀圖

揚子江頭昔繫船兩山相對湧金蓮雲橫殿閣臨無地
潮打魚龍落半天近蹴南徐當北固遠吞西蜀跨東川
披圖更覺襟懷壯回首風塵又幾年

楊賢德

題董泰初長江偉觀圖

江水西來東注海中流兀出兩峰尖層樓倒影波心碎
列岫堆藍雨後添草樹不香寒露濕舟帆偏穩晚風恬
雙龍矯首經年在入畫令人看未厭

鄭昂

次復齋登華蓋山

野老憂時淚不乾海天低燕麥風寒秦關土蝕銅牙弩
漢殿月明金井闌共喜寇恂重借頰自慙李愿未歸盤
江山如畫人如玉破帽空悲管幼安

林處士幽居

山籬短短逕斜斜屋宇三間竹半遮歲饉無僧供菜把
天寒有鶴守梅花武陵流水非秦世姑孰青山落謝家

共約春晴草芽動杖藜攜酒踏晴沙

棲遲

棲遲久慕王官谷飄泊仍依謝客巖貧賤誰能從趙孟
行藏我已卜巫咸冥鴻豈解投矰弋老馬惟思脫轡銜
却笑杜陵生計拙晚將身世託長鑱

感懷

王粲淒涼仍去國杜陵老大竟飄蓬荊州豈免依劉表
蜀道終須謁鄭公三禮賦成追昔日七哀歌罷起秋風

青青亦有江南草
鷓鴣洲邊恨不窮

陸廣

丹臺春曉圖為伯顥畫

十年客邸絕塵紛
江上歸來思不群
玉氣浮空春斷雨
丹光出井曉成雲
風前龍仗時堪倚
月下鸞笙久不聞
幸對仙翁遠孫子
坐中觀畫又論文

王雨

水竹居

屋枕澄湖地自偏水光竹色滿虛簷風搖翠雨香浮席
月送金波影入簾閒拂玉琴和鳳吹怒吹鐵笛起龍潛
春時有酒無餘事筍熟芹香味可兼

趙次誠

溪居晚酌

主人呼酒開新屋綠水遶門光汎寥山氣隔溪渾似雨
沙禽喧浦欲生潮江人擊鼓祠荒廟野客載花歸斷橋
拂石閒吟待明月茶煙如縷竹蕭蕭

邵光祖

秋興一章錄似良夫

牢落江湖不記年
擬尋歸計向林泉
山間買地謀栽橘
谷口誅茅學種田
晚節許同樵牧老
殘書留付子孫編
秋來喚取陶彭澤
黃菊花前一醉眠

高文度

石湖寫景

閣閣臺下越來溪處處西風颺酒旗翠壁丹梯開短軸

黃花紅葉入新詩
鎔金霜蟹需高價
薰甲香醪輒滿卮
落日去塵驢背穩
短琴雙笈一童隨

羅蒙正

次韻余觀國招撫江南航海至新會

鴻濛氣接溟寥天夷獠爭迎漢使船駭浪千重行處雪
齊州九點望中煙神遊太乙仙藜外身在靈生海市邊
玉署詞華君獨步聲名知不愧盧前

舳艤千里快乘風百粵三韓去路通島樹隱霞春綽約

梅花吹雨曉空濛水環輞極坤維碧雲捧蓬萊日色紅
馳志伊吾鳴劒夜中興今待漢藏宮

東宗庚

登善住寺新成閣得江字

高閣新成俯大江宏開雄麗控名邦宿雲不散連飛棟
紅日初升射碧窓目極蓬萊窮島嶼神遊閭闔見旌幢
群公此日頻登眺喜有清吟對怒瀧

題聽春雨軒

階頭燕雨潤流酥柳底鷗波已可漁斗帳沈香軟枕後
青燈綺戶把杯初不愁泥滑妨過騎喜有田歌起荷鋤
明日雲開花滿眼好令童子具籃輿

題陳履元畫玉山草堂圖

玉山草堂江上無全勝西莊給事居盤內玉芝分食後
階前珠樹種來初詩成縵筆傳金刻帙散芸香啓石渠
敢有新題將遠意東吳瞻望重愁予

沈鉉

趙松雪故宅

故國西風玉氣銷珊瑚玉樹半漂搖曾瞻東壁迴天象
故著南冠續漢貂第宅空存森衛戟墨池乾盡尚蘭苔
高情一去風流遠夢憶簫聲第幾橋

尤存

送李紫賀歸澱山草堂

積玉溪頭水拍天草堂只在澱山前鳴鳩啼鳥青春裏
古木疎篁落照邊仙客近傳餐玉法故人時送買山錢

相逢未盡一杯酒陸相祠前又發船

陸炯

送鄭德和檢討之融水縣令

清朝才士多如雨之子聲華重講筵天上玉堂辭聖主
嶺南花縣得英賢蠻烟秋暗桄榔洞瘴雨春深茉莉田
莫道衡陽無過雁好題書寄五雲邊

時太初

白燕

春社年年帶雪歸海棠庭院月爭輝珠簾十二中間捲
玉剪一雙高下飛天下公侯誇紫領國中儔侶尚烏衣
江湖多少閒鷗鷺宜與同盟伴釣磯

十四夜陪李明府遊海上

秋月照人如白晝樓船浮海坐清空銀山雪屋三更浪
鼉鼓龍簫萬里風豪氣橫吞雲夢澤醉魂飛墮水晶宮
雞鳴鐘動失清景驚起東方旭日紅

薛穆

山居寫興寄良夫

萬山深處得幽棲四遶岡巒起復低野鹿每當花逕歇
嶺猿常近竹窓啼閒來採藥行深壑酒醒斟泉就北溪
為語故人徐有道祇應無夢聽朝雞

俞鎬

寄董良用先生

東望雲山翠且重煙波咫尺是垂淞十年為客荒三逕
百里憐君住九峯把酒每懷彭澤令放歌甘作鹿門農

闔閭風景渾非舊愁聽寒山半夜鐘

呂恒

東玉山人

玉山佳處玉人居聞道方壺一事無萬个琅玕巢翡翠
千年琪樹倍珊瑚瑤臺酒醉金莖露珠閣香燒鵲尾爐
何日來看金粟景月明花影情人扶

呂恂

湖光山色樓

水光山色樓千尺老子于中興最多手板時看雲氣好
吹簫無奈月明何鳳池上客陽春曲鐵笛仙人小海歌
二月玉山花正好夢隨春水白鷗波

馮濬

湖光山色樓

仙人樓閣禁城東近水憑虛對雪峯香篆寶爐金鵠尾
酒行仙掌玉芙蓉湖光西下寒仍綠山色春來晚更濃
媿似登高能領客懸知百尺卧元龍

沈震

懷鐵雅先生

烽火南歸鬢未華
草元亭在水東家
綠簷新長參差玉
璫樹能開頃刻花
坐按小娃歌白苧
醉呼稚子整烏紗
麟洲別業清無暑
翠蓋時浮五色瓜

吳益

靜安八詠

蘆子渡

蘆花開上古蘆城一葉舟從野渡橫江月偏於洲上白
水風長作雨來聲雁銜霜幹初傳箭龍化冰弦已按箏
惟有漁家鄰古寺夜深燈火隔溪明

綠雲洞

多羅樹下禮金仙綠錦雲開見碧蓮翠蓋光飈林屋洞
青霞影倒蔚藍天聽經許對孫思邈訪道期逢葛稚川
愧我題詩同淨社三生曾是醉逃禪

陶定理

題董泰初長江偉觀圖

浩浩長江勝槩雄
畫圖形勢記餘蹤
中流荆楚逾千里
對峙金焦插兩峰
天際水光浮日月
山連雲氣擁虬龍
北遊猶憶揚州夢
潮落西津聽晚鐘

張監

題秀野軒圖

予昔遊吳中諸山至周氏秀野軒領覽天池玉遮
之勝今數年矣近歸寓軒獲觀周侍御之大篆朱

提學之新圖恍然若夢遊也景安求予著語聊爾

塞責耄餘材盡媿無佳語耳

我憶天池與玉遮幽軒水木澹清華笙竽遠振風林竹
錦綺晴連曉徑花山罽敷牀朝看雨澗泉漱石夜分茶
番陽大篆睢陽畫不負舂陵處士家

李節

寄唐伯慎

鶴林宮裏故人遠謝傅宅前秋水多烏帽吟餘還放棹

黃庭寫罷更籠鵝平頭奴子金盤露皓齒佳人白苧歌
不得相從渡三泖月明清夜奈愁何

和高以敬韻

別君久見歲華新邂逅相逢亦可人靈鷲峰前看飛瀑
鶴林宮裏度殘春時時送客傷南浦夜夜占星對北辰
莫詰當時舊遊處落花芳草倍傷神

董成

贈楊太史山居

曾懷荆璞詣天闕雨露恩深賜佩環玉筍簉班躋鳳詔
金闕通籍侍龍顏尚書聽履星辰上太史蜚英翰墨間
厭直承明動歸興錦衣光彩照湖山

范致大

自仙源放船來雲林懷元鎮

扁舟蕩槳出東城最愛新流拍岸平霽雨蘭苔來翡翠
晚風楊柳送鶯庚盈盈溪女臨沙浣歷歷郊農傍隴耕
謬倚林齋望郊郭憶君清話不勝情

華廉

陪湖州田府倅採茶行春

聯騎東風踏早霞
堯山雨過梵王家
老僧下榻延佳客
童子開軒埽落花
竹外披雲尋嫩笋
茶邊和露摘新芽
高情重惜春多好
爭出佳篇詠物華

山中初夏即事

東風不到畫闌邊
屈指韶光又一年
處處插秧梅子雨
家家繅蘭竹籬烟
荷因怕暑先擎蓋
柳為無寒早褪綿

莫道山中無樂事 數聲啼鳥落花天

周翼

周履道徵賦梧桐月

雲捲清秋畫角悲梧桐滿地月明時斜穿翠葉通銀井
化作金波落硯池青女喜驚烏鵲夢素娥偏惜鳳皇枝
故人有約來何暮獨立雲階影漸移

題華季充剪韭軒

吳下有田宜種韭高風莫笑庾郎貧
翬飛畫棟青林表

玉洗行盤綠水濱夜雨剪來茸自長春風吹起綠初勻
客來一筋分清供不與區區肉食人

烏本良

和見心上人寄彥明中丞

去年曾共看芙蓉今日秋風落木初只道錦幪遊處熟
豈知金策出林疎奉親獨比陳尊宿訪客不忘虞秘書
欲過山中聽軟語幾番西望立階除

橐駝峯下路幽深翠靄飛來白晝陰老衲候人登石嶺

中丞問俗到山林睦州蒲向閒邊織秘監詩從定後吟
月窟天香如昔夢室中談笑想同心

沈懋

題董泰初長江偉觀圖

氣吞荆楚壓秦雄絕險中分阻要衝潮落江心奔萬馬
山當京口卧雙龍青天欲盡日月小白鳥不飛煙霧重
猶憶金焦風雨夜翠微深處聽長松

陳敬

次韻暮春即事

淑氣薰人似酒濃市橋楊柳自西東乍寒乍暖清明候
時起時眠醒醉中黛色有痕顰宿雨翠條無力繫春風
年年飛絮隨流水浪作浮萍逐斷蓬

張克問

姚江對月有懷仲遠徵君

百里芙蓉繞曲阿錦帆輕颺白鷗波月華夜照山河淡
露氣秋添草木多湖上故人成遠別天邊鴻雁幾時過

相思兩岸蘋花白回首西風倚棹歌

吳學禮

郭外夜歸

草田高下亂蟲鳴涼襲衣襟夜氣清河漢橫秋平野闊
山窓無月一燈明孤篷倦倚難成夢宿鳥相呼忽轉更
近郭不分歸近夜到門猶有讀書聲

泊橫春館

枯葑冰消水路遙短長亭下一停橈寒煙兩岸客吹曉

殘月小橋人待潮山外鐘聲何處寺柳邊春入隔年條
到城不必爭先後華蓋峰頭手可抬

重過南浦

萬里澄江浸碧天迢迢人上渡頭船柘煙旋減蠶成蘭
梅雨微晴樹歇蟬獨客有愁多近暮亂山無處不聞泉
枳籬門巷依然在落莫東風二十年

秋晚書懷

數點寒鴉日又西轉寒天色易淒迷青山半出烟涵郭

紅葉亂流霜滿溪半壁秋燈吟對影故園夜雨夢扶犁
山人飽聽農歌卧但願年豐穀價低

湖邊會飲

林價年平易索醪西風野店快持螯門疎楊柳前峰見
瓦上藤花破屋高時異最傷嫠婦緯歲寒方重故人袍
小舟待月同歸去橫直沙頭挿短篙

萬石

寄何平子

春風綠草徧天涯恨殺王孫不到家在晉有人書甲子
避秦無地種桃花世途多險千金散心事難平兩鬢華
何日脫身塵網外好從仙客學丹砂

桃花渡

江上青青楊柳枝人家萬竹閑柴扉春風應候花爭發
社雨生寒燕未歸半樹木蘭依岸綠一行鷓鴣背人飛
濯纓空憶滄浪思不及漁郎有釣磯

郭完

後溪漁隱

漁郎家在清溪曲買斷徐潭作釣鄉自製蓑衣眠別渚
故移茶竈上輕航荔支林塢水煙煖鷓鴣桃花野岸長
日暮醉歸魚滿筥樵青敲火倚疎篁

方炯

苔溪耕隱

苔溪環翠入瓢湖古木雲莊即舊居每種秫田秋釀酒
剩收桐子夜觀書雪晴度嶺閒騎犢客至沿溪旋打魚

老我塵中無隱處借君餘地著茆廬

五十四

題盧賢母卷

樵隱盧君母最賢母儀婦節兩超然相夫德洽周南化
教子名宜太史編華屋萱蘭春藹藹元堂松桂月娟娟
時清重隱頌鸞誥百世幽光發九泉

陳維楨

壺山寺

上方臺殿藹蒼蒼及此春遊興倍常看竹解題高士句
尋山還宿遠公房徑花故點青山色潭雨新經細草香
欲問虛空身外性鷓鴣啼處又斜陽

御定元詩卷五十三


謹案卷五十三第十五頁後七行納克烏裕舊作
納文郁今改

謹案第三十四頁前七行愧我題詩同淨社刊本
同訛用據別本元詩改



卷之三

金匱正經



總校官庶吉士臣侍朝
校對官檢討臣蕭九成
謄錄監生臣朱文佐

欽定四庫全書叢要

集部

御選元詩卷五十四

詳校官原任主事臣李斯咏

欽定四庫全書薈要卷一萬八千四百六十六

集部

御選元詩卷五十四

七言律詩十三

雅勒布哈

春日次宋顯夫韻

帝城三月多春色南陌風光畫不如躑躅花深啼杜宇
鷺鷥灘漲聚王餘玉樓似是秦宮宅金水元非鄭國渠
處處笙歌移白日揚雄空讀五車書

上尊號聽詔李供奉以病不出奉寄

丹鳳銜書出內庭羽林環衛擁霓旌千官拜舞開仙仗
四海謳歌荷聖情香霧細添宮柳碧日華遙射錦袍明
侍臣亦有文園病卧聽龍墀鼓吹聲

送趙伯常淮西憲副

東華晨霧正霏霏使者分符向合肥封事尚留青瑣闈
蒙恩近出紫宸闈江涵曉日明樓牒風引春雲上繡衣
珍重故人千里別緣尊須盡莫相違

寄姚子中

懶趨青瑣備朝班
楚却銀魚挂鐵冠
琪樹有枝空集燕
竹花無實漫棲鸞
漢廷將相思王允
晉代衣冠託謝安
聖世只今多雨露
上林芳草似琅玕

春日宣則門書事簡虞邵菴

三月龍池柳色深
碧梧煙暖日愔愔
蜂黏落絮繁青幔
燕逐飛花避綠沈
仙仗曉開班玉筍
雲韶春奏錫瓊林
從臣盡獻河東賦
獨有相如得賜金

寄同年宋吏部

金鏡承恩對紫微
錦鞶白馬耀春暉
漫隨天仗朝天去
不記宮花壓帽歸
海國風高秋氣早
關河雲冷雁聲稀
嗟予已屬明時棄
自整綸竿覓釣磯

與蕭存道元帥作秋千詞分韻得香字

芙蓉宮額半塗黃
雙送秋千出畫牆
簾底燕驚花雨亂
樹頭蜂繞禊塵香
巧將新月添眉黛
閒猜東風響佩璫
歸去綠窓和困睡
暫憑春夢到遼陽

余闕

登太平寺次韻董憲副

蕭寺行春望下方城中雲物變淒涼野人籬落通澗口
賈客帆檣出漢陽多難漸平堪對酒一尊未盡更焚香
憑將使者陽春曲消盡征人鬢上霜

汪澤民

四月九日新霽偕宗英公仲自天都峯遊湯泉

天都夐出諸峰上曙色嵐開逸興催半壁暗泉吹冷雨

懸崖飛瀑吼晴雷白雲縹緲仙鄉遠碧落高寒俗駕迴
自笑生平愛清境冥搜不厭歷崔嵬

鄭玉

題天目山

勢壓東南萬象低溟濛空翠望中迷龍飛鳳舞川原秀
地下天高日月齊武肅百年鍾霸氣文忠千古欠留題
客來欲問青雲路鑿破峻嶒便作梯

婺源胡氏屏山樓

樓外青山列翠屏矮窓放入眼增明丹青花草春描畫
水墨林泉秋寫成變化四時無俗韻登臨千古有餘情
高人對此不容語獨倚闌干看晚晴

白嶽

名冠江南第一山乾坤故設石門闕重重煙樹微茫裏
簇簇峰巒縹渺間五夜松聲驚鶴夢半龕燈影伴人間
忽聞環珮珊瑚度知是神仙月下還

師山書樓成唐長孺先生賦詩見寄次韻

居山日夕見山容環堵蕭然一畝宮我喜煙雲來几上
人看樓閣出空中夜深月色偏明朗曉起嵐光更鬱葱
若比羊裘軒上景臨江惟欠一絲風

董搏霄

遊元雷山

水色山光照眼明隔溪遙見白雲生崖根凍雪留人跡
林外春風變鳥聲夢草得詩清入骨煮茶聽話淡忘情
飛來橋上歸時晚回首翠微松鶴鳴

俞述祖

送傅與礪廣州教授

扁舟乘興欲還家分數寧辭瘴海涯未必杜陵成汨沒
由來賈誼擅才華紅蕉遙屋含秋霧丹荔垂簷炫曉霞
萬里何堪慰離思好憑江驛寄梅花

吳文讓

戊寅雪後和謝提舉韻

鏞城正月雪初霽勝得官閒吟嘯中萬國山河開壽域

九霄風日播春融竹依柏樹增新翠梅與桃花間小紅
王化盡無偏黨處故教冷暖總相同

燕山秋望

西山木落向高風萬壑千崖出梵宮翠幕遙看銀榜合
金精虛逐火輪空杓欄靜立翛翛上冠佩飛行蕩蕩中
何日龍船移櫂曉露房雲水四簾通

遼海東空鶴不歸平蕪遙際極涼霏寒天霜靜鵬鷹沒
沙苑秋高牧馬肥落日美人歌玉帳西風獵騎擁金羈

豪豬猛起當前立曾冒鳴弓脫曉圍

甲午元日感懷

春色年年出帝京河冰未解柳還青東華正擁如雲騎
南國空瞻戴斗星日月由來雙過鳥乾坤及此一浮萍
愁緣底事濃於酒起傍梅花步短襦

甲午六月卧病柔川呈地主

長憶靈巖對卷簾客居還此面晴尖雨分西崦泉鳴屋
風借南鄰竹蓋檐病寫烏絲清欲苦眠拋白羽黑初甜

亂離未覺三遷定行就君平試一占

喬木龍皮絡翠煙昔人成立等升天芝蘭玉樹看盈碗
驥駢駢不受鞭垂老託身書滿屋平生好客坐無譴
諸君有意憐衰白惟有丹青照暮年

楊溪積雨綠於苔亂竹稍稍不遣裁自愛水風橫笛語
欲乘秋漲刺船來眠從朱老詩澆潑書及黃郎使往回
困餓只餘皮骨在故人初見恐驚猜

王翰

寄別劉子中

問君西去與誰親
吳楚山川滿目新
賈傅有才終大用
杜陵無計豈長貧
鳳皇臺古思明月
采石江空夢白蘋
幾欲西風斟別酒
不堪零露滿衣巾

和馬子英見寄韻

十年流落向炎州
判與劉伶作醉遊
望國孤忠徒自憤
持身直道更何求
浮雲往事驚春夢
落日窮途起暮愁
賴有故人相憶在
徧題尺牘海西頭

春日雨中即事

京洛繁華事已違
懷人竟日掩空扉
望迷楚岫聞啼鶴
思入秦川怨落暉
野館蕭條芳草合
寒江寂寞暮雲飛
落花片片隨流水
惆悵闊河淚滿衣

立春有感

故國棲遲去路難
園林此日又冬殘
天涯往事書難寄
客裏新愁淚未乾
臘雪漸隨芳草變
東風猶笑布袍單
堤邊楊柳開青眼
肯傍梅花共歲寒

巴延

十華觀

十載風塵忽白頭春來猶自強追遊香浮素碧雲房靜
日落青林石徑幽海內何人扶社稷天涯有客卧林丘
此心只似長江水終古悠悠向北流

吳訥

戰昱嶺關

鼓角聲雄隊伍齊揚兵曉戰昱關西黃金匝動雙龍出

赤羽旗開萬馬嘶
露布不煩諸將草
詩篇還效古人題
沙溪春酒甜如蜜
醉卧花陰聽鳥啼

東歸

躍馬東歸古欽州
鐵衣如雪照清秋
半生叨食君王祿
百戰深遺母氏憂
城上綠旗飄白虎
帳前金絡控黃驥
英雄出處緣忠孝
豈為人間萬戶侯

陳謙

梧桐月

琪樹西風露井傍
鏡寒移影度銀床
鳳枝清切元疑畫
鶴夢淒涼不待霜
點筆詩人題夜綠
知更宮女怨秋黃
莫教一葉輕搖落
珍重千門被耿光

李祁

和詠鶴

老去曾看相鶴經
暫從華館試伶俜
幾年養就丹砂頂
竟日閒梳白雪翎
萬里壯心原自許
九霄清唳好誰聽
神仙舊侶知何在
遙望蓬萊一點青

次賀琴南韻

茅屋秋風古道傍衰翁不似去年強漢廷無夢陳三策
楚水空懷賦九章落日亂鴉紅樹老斷雲孤雁碧天長
相思無限闋心事不為催詩急雨忙

送非空晦之二上人歸青原

青原山氣鬱盤紆去郭連村十里餘洗鉢水香晨粥後
讀書燈燼曉鐘初晴天小閣收摩衲煖日輕雲護苾芻
願得明年筋力健徑尋溪路訪深居

和鍾德恭見寄

江湖風浪日蕭蕭
鯫蟹魚鰕亂躡跳
諸葛有才終復漢
管寧無計漫依遼
煙消故國川原淨
秋入空山草木凋
猶恨歸來相見晚
暮雲春樹碧天遙

和詠海棠韻

名花初發愛輕陰
翠袖紅妝新滿林
步入錦帷香徑小
醉扶銀燭畫堂深
妖嬈喜識春風面
零落愁關夜雨心
多幸鳳皇池上客
為抽勞思寫清吟

吳當

潯陽舟中

百年頭上著烏紗
一日江邊踏釣槎
病似相如空有賦
貧于杜甫更無家
漁歌楚楚蒹葭月樵
笛村村躡躅花
事業已隨兵燹盡
青門惟守邵平瓜

伏枕移床向小舟
江頭漁父問何由
風波接棹魚龍冷
烟草迷津雁鶩秋
往事幾年懷內顧
狂瀾百折任東流
草元不守揚雄宅
垂白空添宋玉愁

三寶珠

遊北湖

一月不來湖上路
湖邊桃李已成陰
蒼蒼山色故人面
蕩蕩風光遊子心
沽酒樓高斜欲墮
賣茶船小巧相尋
自憐鸚鵡洲中客
手撫江蘿和楚吟

舒穆嚕宜孫

妙成觀掀篷和何宗姚韻

結構新亭似勝前
登臨歷歷瞰晴川
放懷喜解防秋戍

乘興還操下瀨船從此入林堪避地何妨坐井亦觀天
東風回首春城暮桃李依然種日邊

林諫

送姪南歸

清秋送姪出都門別淚臨風墮酒尊在客豈無鄉井念
為官肯負國朝恩鵠鵠飛疾家偏遠鴻雁行稀目欲昏
獨上居庸最高處回頭一望一銷魂

陳基

秋日雜興

彈鋏歸來歎薄遊西風吹老黑貂裘裁詩見慰慙錢起
埽榻相延愧隱侯擬學楚人歸種橘虛勞蜀客望牽牛
五湖烟景依然在還許扁舟伴白鷗

關山搖落雁飛遲江漢飄零有所思倦客自憐蘇季子
故人誰問介之推露催絡緯窓間織風緝蠟蛸戶外絲
獨荷慈親念遊子倚門日日數歸期

江頭久客日思家坐覺微霜上鬢華節序又催秋後燕

風光爭發雨前花倦遊已夢莊生蝶不飲何憂廣客蛇
怪底朝來衣袖薄一川白露下蒹葭

一夕西風木葉飛畫梁落月淡餘輝銀燈夜照還家夢
金剪秋裁寄遠衣霜信早隨新雁至素書深訝故人稀
無因為謝東曹掾鱸熟尊香莫便歸

明河如練月娟娟坐對清光只自憐夜久不知沾白露
夢回猶記到鈞天汝南遺老推黃憲海內諸公憶鄭虔
萬里歸來無寸補論文慙愧到忘年

寄沈仲說

欲採芙蓉寄所思秋江風露正離離每因見月懷元度
可但看詩說項斯溪上燕辭華屋早槎頭魚上碧波遲
太平無事差科了歸共原泉理釣絲

野人籬落並江瀆竹裏流泉竹外雲好學橐駝惟種樹
莫誇司馬最能文小橋斜接漁樵路落日爭呼雁鷺羣
獨憶詠歸亭上客久留城府思紛紛

次韻錢伯行白芙蓉

帝子西遊太液池一杯秋露為君持空令越女羞容貌
不與唐昌共本支姬蛇最憐無語處風流全在半開時
自移長信宮中去學得班娘淡畫眉

次韻懷彥成

沙棠為漿木蘭橈別後令人瘦沈腰采蘋颸歸靈越去
裁桃重赴武陵邀醉乘蓮葉春波闊夢落簷花夜雨飄
猶記共遊鳴玉洞滿山明月聽吹簫

寄玉山

我愛玉山佳樹林草堂終歲有餘陰巢安翡翠春雲暖
窓護芭蕉夜雨深寶篆焚香留睡鴨綠箋行墨寫來禽
萬竿修竹休教洗日日平安報好音

次韻鄭有道喜王季野府判南歸

故人日下拜官歸河水南來似帶圍策馬遠遊天府勝
食魚偏愛錦江肥蠶叢故國山猶在望帝荒祠鳥自飛
萬里欲將慈母線芙蓉城裏製春衣

海榴花放客南歸喬木參雲總十圍綠蟻奉親浮臘味

黃羊充饌割秋肥恩承閩國榮三釜心切灤都望六飛
錦里他年須報政中天風露濕朝衣

春日邵氏園池

寂寞園林帶夕暉昔年曾此戀芳菲柳塘水暖鴛鴦浴
花徑風酣蝶蝶飛蔓草拂衣人不剪畫梁無主燕空歸
洛陽池館闢興廢我欲春山賦采薇

十一月晦與同幕諸公登南高峰因過湖上小

集

共上南屏第一層海風吹鬢雪崩鬢山盤地脉來天目
城抱江流似蔣陵近郭畫行多畏虎並湖寒盡未收冰
倚闌閑說承平事知是昆明劫外僧

次韻孟天暉郎中看潮

千古東南詫海潮摩挲強弩未全銷氣乘日月分盈縮
聲振山河欲動搖擊楫中流歌慷慨倚闌斜日鬢飄蕭
錢塘官酒秋仍綠更與靈胥酌一瓢

淮陰雜興

落木蕭蕭雁渡河西風嫋嫋水增波甘羅營裏秋聲急
韓信城頭月色多淮市有魚聊可食楚山無桂不須歌
古今無限關心事付與當年春夢婆

寄陳庶子參軍兼簡饒介之郎中

楚天漠漠水迢迢千里懷人不自聊惟幄喜聞延曲迷
行間竊忝事嫖姚江空不采芙蓉寄歲暮惟歌桂樹招
華蓋仙翁如見問為言髀肉近都銷

自淮安使江南舟次通州寄同幕諸公

頻年共入嫖姚幕此日先乘使者舟海色曉迎龍虎節
天光寒動鶴鶻裘山川咫尺分吳楚河漢尋常近斗牛
南鎖堰頭官柳樹春風相約繫驛鷗

二十日福山港寄省院張思廉陳惟允諸友

漢將西征肅羽儀簡書日日有程期東溟潮上犀船發
南斗星橫虎節移青入楚峰山點點白添吳鏡雪絲絲
美人宴罷芙蓉署一色銀花翠壓枝

遊狼山寺

鯨波渺渺四無涯閭闔天低手可排一塔倚空凌浩劫
兩潮爭港撼層崖半晴半雨龍歸海衝煖衝寒雁渡淮
安得乞身依佛日遍尋靈迹訪齊諧

二十九日至淮安城南十五里述懷

欲向江湖覓釣磯此心長與事相違添丁未辦廬全計
算老空知伯玉非淮甸草肥宛地馬楚州人著漢官衣
將軍奏罷平西捷還許山翁倒載歸

三月十五日由淮安使江南別同官

三月淮南柳色深相看去住兩闊心鶯因求友聲逾切
雁為離群思不禁芳草將春青楚甸暮雲含雨碧吳岑
遂初爾有平生賦何事驅馳雪滿簪

江上客舍

曉來江上雨濛濛煙火蕭條客舍中風急最憐巢幕燕
春寒猶滯寄書鴻紛紛洲渚魚鹽聚歷歷東南貢賦通
萬里乾坤一羈旅濁醪今夕與誰同

江月樓

中天樓閣鬱嵯峨良夜其如水月何
雪浪遠從三峽至
露華偏傍九霄多道人宴坐脩禪觀
遊子登臨聽棹歌
曾是水晶宮裏客倚闌來此重婆娑

轆轤

遠遊重到洛陽城又向登封道上行
路入轆轤秋更險
雲收太室雨初晴千重灌木漫山碧
百道飛泉繞澗鳴
欲訪巢由渺何許空餘頰水照人清

呂梁

扁舟又向呂梁歸浩蕩中流看翠微濁浪滿河水亂走
黃雲垂地雪交飛奉身誤叱王蓮馭涉世頻沾阮籍衣
日暮不須吹短笛沙鷗猶恐未忘機

次韻答秦文仲郭羲仲聯句見寄

客路尋常江海上春光強半雨聲中習池無酒醉山簡
蓮社有心期遠公香爐旋溫婆律火茶烟輕颺石楠風
不因二仲聯詩至安得從容一笑同

偶成

武陵溪水碧灣灣窈窕幽期不可攀戴勝桑間飛自得
王雎洲上語相關歌成桃葉臨流和采得蘋花帶月還
見說荔支漿已熟不分消滴到人間

南州五月尚兼衣白苧窓間未脫機青李來禽書不至
荔支盧橘賦多違水晶簾筠箇圍晴晝艾納爐熏逗夕霏
為問上都城裏客菖蒲花發幾時歸

賦楊花

巷南巷北畫冥冥搖蕩春風未肯停薄命不禁巫峽雨

前身曾化楚江萍已于謝女詩中見更向劉郎曲裏聽
腸斷不堪回首處並人飛過短長亭

次錢伯行韻

五月東林水竹涼新荷葉小柳絲長且臨大令鵝羣帖
不戀尚書雞舌香楚客謾誇千樹橘杜陵共愛百花莊
滿天風露枇杷熟歸奉慈親取次嘗

次沈仲說韻

棟樹飛花雪打篷居人行樂四時同波涵大澤平如掌

雲割西山半入空金刹遠瞻樓閣壯畫船爭載綺羅紅
如何越女承恩後不逐吳王住甬東

寄友人

扁舟三月到江城匹馬先尋北郭生雨過小樓春寂寂
鳥啼脩竹曉嚶嚶家無黃耳傳鄉信門有蒼頭記客名
見說終南真可隱勝判秋色為君清

文殊寺高閣

何年蘭若倚崔嵬觀閣連天罨畫開澤國魚龍霜後靜

關河鴻雁日邊回
蘭干迴溯虛空上
歲月深從浩劫來
自信平生愛登覽
夕陽高處重徘徊

次韻袁仲長竹堂感興

一曲桃源憶故人
白頭詞客最傷春
南柯已寤平生夢
東海曾揚幾劫塵
綺樹鶯花從自好
畫堂絲竹為誰陳
不須聞此空惆悵
且看瑤姬舞繡茵

簡鄭山人

國士文章海內傳
丘園風雨故依然
空聞太守延徐稚

猶喜諸生禮鄭玄官樹鶯啼初繫馬講堂雀下或銜鱠
廣文方築招賢館肯使先生老一簾

八月十三夜汎姚城江

畫船撻鼓唱迴波皓齒青蛾不用歌好月愛看輪未滿
清秋莫問夜如何明將織女機絲動寒恐姮娥白髮多
天上清光應更足羽衣安得共婆娑

次韻錢伯行江上春暮

太湖之水近當門荇葉芹芽煖正繁不問主人還看竹

每逢鄰叟為開尊
燕歸王謝江邊宅
犬吠朱陳柳外村
步屢春風歸去晚
野童篝火候籬根

題玉山草堂

隱君家住玉山阿
新製茅堂接薜蘿
翡翠飛來春雨歇
麝香眠處落花多
竹枝已聽巴人調
桂樹仍聞楚客歌
明日扁舟入青浦
不堪離思隔滄波

綠波亭

眼明忽見此亭新
公子詩成思入神
坐愛碧波千頃綠

夢回芳草一池春每傾鸚鵡留佳客欲采芙蓉寄遠人
燕子不來秋已暮倚闌無語獨逡巡

柳塘春

扁舟二月傍溪行愛此林塘照眼明芳草日長飛燕燕
綠陰人靜語鶯鶯臨風忽聽歌金縷隔水時聞度玉笙
更待清明寒食後買魚沽酒答春晴

漁莊

何處林塘好卜鄰清江繞屋淨無塵定巢新燕渾如客

汎渚輕鷗不避人楊柳作花香勝雪鱸魚上釣白於銀
春風無限滄浪意欲向汀洲賦采蘋

秋懷奉寄玉山主人

江上秋陰十日多思君不見奈愁何風高澤國來鴻雁
雨入汀洲落芰荷公子文章裁瑞錦佳人衣袖剪輕羅
畫船亦欲溪頭去聽唱花間緩緩歌

有懷梧竹主人山陰道士雲臺外史兼簡龍門

開士

碧梧翠竹日扶疎長夏高堂可晏居雪上故人時載酒
山陰道士近無書蒼頭埽石安幕局緝子穿花奉板輿
若見惠休須問訊碧雲詩句定何如

寄玉山兼簡匡廬外史

美人不見已三月日日相思賦角弓興發頗疑詩有助
憂來翻訶酒無功未須結客遊樊上却擬移家住瀼東
與報匡廬于外史新醅宜壓荔枝紅

笠澤有懷

碧梧翠竹鬱參差艾納流薰繡幕垂璫管隔花閒度曲
畫屏燒燭看圍碁坐延太乙青藜杖倒著山公白接羅
何日扁舟還蕩槳為判同醉習家池

將往三沙有懷玉山徵君會稽外史

海門自與碧天通獨馭靈槎遠向東一道銀潢秋浪白
三洲金刹日華紅龍吹花雨慙聞法鳥語雲檣喜報風
無奈思君重回首依依江樹送冥鴻

陳湖秋汎

平湖秋色曉蒼蒼鼓枻聲傳浦澈涼鴻雁欲來天拍水
蒹葭初老露為霜菊荒甫里人何在鱸入松江興轉長
不用臨流重懷古葦花菱葉滿滄浪

次韻懷華幼武

滑滑春泥滿郡城出門騎馬不堪行未能學道從緜母
且復忘憂對麌生流水小池垂釣影春風深巷賣花聲
停雲賦罷心如渴安得滄浪濯我纓

次韻蔡彥文寄謝省院諸公二首

西山雪後色逾妍挂笏相看每自憐豈有異才參廟略
謾陪時俊列賓筵玉笙錦瑟留人醉翠葉銀花壓帽偏
却笑當年潘騎省為誰雙鬢早皤然

此日東吳接勝遊風流欲與古人儔城南官酒春初熟
湖上魚罾晚未收才愧機雲遙入洛功高絳灌重安劉
謀參帷幄輸公輩巢父歸歟盍掉頭

送范德輝赴縉雲教諭兼簡高則誠

不逐扁舟汎五湖一官迢遞縉雲墟遺民世守軒轅鼎

博士家傳魏國書夜月定聞鄰縣鶴秋風莫憶故鄉魚
到州為謝高書記日日相思賦索居

陸氏別業

窈窕西池一徑通赤闌如畫倚晴空風微燕雀飛塵外
日皎龜魚在鏡中入谷謾誇盤往復卜鄰宜住瀼西東
綠陰滿地新荷發猶勝開樽勸碧筍

餽介

與虞山人勝伯陳山人惟寅談及仙遊事醉後

賦呈

羃羃松陰布網羅鶴巢松頂吸天河是何道士圍幕坐
若箇樵夫對酒歌看月也知為爾好凭風無奈欲歸何
送君直過橋西去還記垂楊葉不多

張憲

題院人畫小景

高棟層軒夜未央溶溶新綠漲池塘風輕楊柳金絲軟
月淡梨花玉骨香亂噉碧茸紆曲逕獨循青瑣轉迴廊

千金一刻誰能買輸與豪家白面郎

席上得搖字

翠館行厨雪乍消牆頭新柳又垂條珊瑚枕煖人初醉
鸚鵡籠寒舌未調座上綵鸞珠插鬢掌中飛燕玉圍腰
海棠一夜東風軟落盡雲邊金步搖

嬉春

春來何處惱柔腸柳下人家綠瑣窓畫棟歌塵珠簌簌
雕盤舞袖翠雙雙鼓飈芍藥雷轂座酒熟酴醿雪滿缸

最憶瑤芝堂下路一宵歸夢隔春江

春日

彩毫漆點新蟬翼奚墨雲磨舊馬肝月落小窓瓊佩冷
夢回孤枕玉釵寒茶簾架雪香生宴么鳳籠烟醉倚闌
笑我一春長閉戶柳花填巷卧袁安

賦松江漁者

短棹輕舟白髮翁往來常在泖西東一篙綠水孤篷外
九點青山落照中不盡春光楊柳雨無邊秋興蓼花風

鶗夷盛酒羊裘卧表海封齊莫論功

王氏小桃源

一簇林塘隱者棲天然畫出武陵溪循牆流水灣灣曲
匝屋桃花樹樹低春雨閉門山犬吠炊烟隔竹午雞啼
幽深直待秦人避但恐漁郎自路迷

留別賽景初

暖雲將雨驟陰晴四月羅衣尙未成萬點愁心飛絮影
五更殘夢賣花聲方空越白承恩厚繡襦諸子照道明

自笑窮途不歸去空懷漫刺闔閭城

臨安軍前

寂歷荒城遍野蒿昔人事業已徒勞雁將秋色催歸鳥
楓引霜花入戰袍地阻東南鄉信遠天昏西北陣雲高
不堪屢作還家夢起向西風撫大刀

良宵

良宵情緒不堪題立遍闌干意欲迷鐵撥忽敲壺口破
金刀頓剪燭心齊綠分楊柳湘簾細紅壓櫻桃斗帳低

彷彿第三橋畔宿月明珠樹夜烏啼

次韻贈張省史從軍南征

震天金鼓紫駝騎
阜縣連珠畫斗杓甲馬魚鱗
開曉日錦袍花萼上
春潮桄榔雨暗湯泉溢
茉莉風暄海瘴消
幕下何人專草檄
共誇謀議得張昭

陳秀民

鄆州望古北居庸諸山

古北居庸一望中
風沙滿眼亂芙蓉
驛車夜轉崑崙脊

華蓋陰移太乙峯
金口水流終到海
玉泉雲起又隨龍
兩京形勝今如此
可擬秦關百二重

湘鄉道中

日暮倦趨山市遠
解衣聊復憩巖阿
雲迷險道藤穿石
水落懸崖草亂坡
木客下時人迹少
鷗鳩啼處客愁多
向南言語憑誰辨
莫問蠻方事若何

陳雷

早春寄周致堯

梨林致堯

所居之地

百年身世渾如寄何處他鄉是故鄉柳態正須春弄色
梅花自與雪生香揚雄寂寞元猶白賀監風流醉亦狂
倘許勝緣同晚歲梨林風致即柴桑

方行

登子胥廟因觀錢塘江潮

吳越中分兩岸開怒濤千古響奔雷子胥不作忠臣死
句踐終非霸王材歲月消磨人自老江山壯麗我重來
鷁夷鐵箭俱安在目斷洪波萬里回

劉仁本

再往三山

去歲才從上海還今年又復戴南冠榕陰巷陌春風老
荔子樓臺宿雨乾幾處舊遊重載酒十年往事一憑欄
回頭却羨天台道有客吹簫跨玉鸞

過楓亭驛和周草庭巡檢韻就寄

餽糧千里又南征笑犯弓刀擁將星汗血沙塵前後騎
檄書烽火短長亭天連閩海團團白山遶彭湖點點青

遙想環峯三十六將軍晏坐對滄溟

楊維楨

香奩八詠

并序

吳間詩社香奩八詠無春芳才情者多為題所困
縱有篇辭鄙婦學妝院體終帶鄙狀可醜也晚得
玉樹餘音為甲而長短句樂府絕無可拈出者一
日雲菴王先生寄示踏莎行八闋讀之驚喜先生
蓋松雪翁門人今年八十又三矣而堅強清爽出

語娟麗此殆為月中神仙人也謹付翠兒度腔歌之又評付龍洲生附八詩後梓以見王孫門中舊時月色雖曰喪亂固無恙也至正丙午春三月初

吉錦窠老人楊維楨序

金盆沐髮

華清春晝賜溫泉綰脫青絲散一編翠雨亂跳花底月
黑雲半捲鏡中天銅仙盤冷添甘露玉女盆傾拾翠鉢
攏得雲鬟高一尺罟冠新上玉臺前

月奩勻面

一片清光照膽寒玉容滿鏡掩飛鸞素娥照見黃金闕
絳雪鎔開白玉盤翠點柳尖春未透紅生櫻顆露初乾
好風為我披羅幕一采芙蓉正面看

玉頰啼痕

天然玉質洗鉛華怪底偏將半面遮紅滴香冰融獮體
彩黏膩雨上梨花收乾通德言難盡點濕明妃畫莫加
聚得斑斑在何處輕綃寄與薄情家

黛眉顰色

按樂圖開列畫堂春愁何獨損清揚蜀山煙雨雙尖瘦
漢柳風霜兩葉蒼索畫未成京兆譜欲啼先學壽陽妝
蕭郎忽有歸期報喜得天庭一點黃

芳塵春跡

是誰步屨印微茫便似石家春滿牀軟雪消時痕晃底
好風起處步生香彩雲飛上秋千鐙芳草侵來蹴踘場
愁絕如癡成獨立繡鴛拾得在東牆

雲窓秋夢

骨瘦魂清酒力微
路迷錯莫是還非
羅浮曉月相將落
巫峽斷雲何處飛
金彈撤來驚忽忽
玉龍嘶了尚依依
不如直到鈞天所
記得霓裳樂譜歸

繡牀凝思

繡線添來日正遲
香絨倦理一支願
心遊飛絮渾無著
身蛻枯蟬忽若癡
花幘錯描愁伴覺
金針閭住許誰知
絕憐小玉情緣重
到死春蠶始絕絲

金錢卜歡

紫姑壇上祝方兄忽聽呼盧擲地聲星斗未分牛女會
陰陽先判雨雲生青蚨孕子寧無兆玉蝶化身元有情
寶鏡重圓三五夜重磨半月問虧盈

追和鮮于公寄山齋先生釣石詩

星灘分得小雙臺不染東華半點埃爽氣時從仙掌出
青天忽見岳蓮開雲根遠帶桐江水夜雨新生海眼苔
九朵峰前成屢憶不隨霜鶴寄詩來

訪倪元鎮不遇

霜滿船篷月滿天，飄零孤客不成眠。
居山久慕陶弘景，蹈海深慙魯仲連。
連萬里乾坤秋似水，一窓燈火夜如年。
白頭未遂終焉計，猶欠蘇門二頃田。

西湖

西湖風景開圖畫，墨客騷人入咏嗟。
扇底魚龍吹日影，鏡中鶯燕老年華。
蘇堤物換前朝柳，葛嶺人耕故相家。
今古消沈一杯水，兩峰長照夕陽斜。

寄衛叔剛

二月春光如酒濃
好懷每與故人同
杏花城郭青旗雨
燕子樓臺玉笛風
錦帳將軍烽火外
鳳池仙客碧雲中
憑誰解釋春風恨
只有江南盛小叢

賀呂希顥

雨過長江五月秋
主家讌客林塘幽
苦無奇字從人問
賴有清尊消我憂
道士舊遊尋赤壁
美人相見憶羅浮
休官便擬璜溪住
蓴菜鱸魚不外求

夜宴范氏莊

南弁山間多翠微
池塘處處涵清暉
丹泉釀酒名千日
花樹成窠大十圍
童子單衣碧鶴立
美人兩袖彩鸞飛
臨分更作嬉春約
賸載紅船白苧衣

題張長年雪篷

故人今在雪之濱
風雪孤篷未苦貧
二載溪頭見安道
一蓑江上覓元真
風清菰米香生夜
月白蘆花夢繞春
莫說江都錦帆事
蕪城煙雨正愁人

王左轄席上夜宴

銀燭光殘午夜過鳳笙龍管雜鳴鼈佩符新賜連珠虎
觴令嚴行卷白波南國遺音誇壯士西蠻小隊舞天魔
醉歸不怕金吾禁門外一聲吹箇羅

璫花珠月二名姬并序

春正月廿有二日偕崑山顧仲瑛霅川鄰九成大
梁徐師顏讌于吳城路義道家佐酒者六姝皆蘇
臺之選內有璫花與珠月者選中之絕也義道起

持觴屬客曰今日名姬對名客不可無作座客酒俱酣暢瓊花者捧硯請予題首仲瑛曰花月一對雖絕而彼此不無相妒題品稍偏當令偏者舉主人蓮花巨觥連飲之予矢口月滿十分珠有價花開第一玉無瑕兩姬大喜客皆起坐交觥予就醉矣明日足詩曰

新年春色在鄰家隊子三三聚館娃月滿十分珠有價花開第一玉無瑕蒲萄酒灑沈櫻顆翡翠羃飈踏月牙

老子園紅先點筆詩成勉飲玉蓮華

寄秋淵沈鍊師

所居號琅玕所

琅玕種得三千箇
瓊臺玉樹齊
秋淨雙鳧清卯曲
夜寒一虎大茅西
長茸不著花
猫獮深竹時聞翠羽啼
老我所須惟鐵杖
不須太乙乞青藜

翡翠巢

羅浮花使先春到
來傍玉樓深處巢
舞雪豔翻楊柳絮
歌雲輕壓海棠梢
屏開時露鴉頭襪
絃斷應銜鳳觜膠

却笑雪衣娘太劣雕籠深鎖未全教

席上賦

蘿洞蘭煙繞燭微三更三點妓成圍魚吹綠酒常雙躍
雁列瑤箏不獨飛隔座送闌喧中射當筵呼摻促更衣
雞鳴樂極飈悽斷闕月纖纖照影歸

嬉春體

錢塘湖上作

今朝立春好天氣况是太平朝野時走向南鄰覓酒伴
還從西墅買花枝陶令久辭彭澤縣山公祇愛習家池

宜春帖子題贈爾日日春遊日日宜

西子湖頭春色濃望湖樓下水連空柳條千樹僧眼碧
桃花一株人面紅天氣渾如曲江節野客正是杜陵翁
得錢沽酒勿復較如此好懷誰與同

楊子休官日日閒桐江新棹酒船還叮嚀舊客兼新客
漫浪南山與北山好懷急就一斗飲佳人能作五弦彈
君看此地經遊輦彷彿春風夢未殘

又湖州作

三月三日雨新晴相邀春伴治西城即倩山妻紗帽辨
更煩小將犢車輕好語啼春秦吉了仙姿當酒董雙成
憑君多唱嬉春曲老子江南最有情

長城小姬如小憐紅絲新上琵琶弦可人座上三珠樹
美酒沙頭雙玉船小洞桃花落香屑大堤楊柳掃晴烟
明朝紗帽青藜杖更訪東林十八仙

湖州野客似元真水晶宮中烏角巾得句時過張外史
學書不讓管夫人墓尋東老林中橘飯煮西施廟下莼

無雨無風二三月道人將客正嬉春

無題效商隱體

主家院落近連昌燕子歸來舊杏梁金埒近收青海駿
錦籠初教雪衣娘卷衣甲帳春容曉吹笛西樓月色涼
今夜阿鴻新進劇黃金小帶荔枝襄

二月皇都花滿城美人多病苦多情一雙孔雀銜青綬
十二飛鴻上錦箏酒掬珍珠傳玉掌羹分甘露倒銀罍
不堪容易少年事爭遣狂夫作後生

夜坐

雨過虛亭生夜涼，朦朧素月照芳塘。
螢穿濕竹流星暗，魚動輕荷墜露香。
起舞劉琨肝膽在，驚秋潘岳鬢毛蒼。
候蟲先報砧聲近，不待尊鱸憶故鄉。

多景樓

極目心情獨倚樓，荻花楓葉滿江秋。
地雄吳楚東南會，水接荆揚上下流。
鐵甕百年春雨夢，銅駝萬里夕陽愁。
西風歷歷來征雁，又帶邊聲過石頭。

春日有懷玉山主人

梨花枝外雨冥冥宿酒朝來尚未醒倚砌宜男偏婀娜
隔窓鸚鵡太丁寧紫鸞簫管和瑤瑟金鴨香爐倚繡屏
青李來禽臨已徧定從白鵠授黃庭

次韻奉答倪元鎮

坐斷深林事不聞西窓風日愛餘曛舊經高赤尋三傳
新詠山王削五君翠篠侵牀落蒼雪石池洗硯動元雲
東鄰書屋最相憶莫遣草堂移浪文

贈王蒙

一夜西郊春草生
草堂吹笛夜挑燈
塞雁北飛千里雪
吳波綠泮五湖冰
杜陵詩句花無賴
張緒風流柳不勝
莫遣檢書并看劍
自將鵝帖寫溪藤

御選元詩卷五十四